

 Андижон вилояти ҳокимлиги расмий портали

ТАШРИФДАН ТАШРИФГАЧА АНДИЖОНДА ҚАНДАЙ ИШЛАР АМАЛГА ОШИРИЛДИ?



Давлатимиз раҳбари 2018 йил 19-20 май кунлари Андижон вилоятига ташрифи чоғида кўплаб истиқболли лойиҳалар билан танишиб, вилоятда олиб борилаётган қурилиш-бунёдкорлик ишлари кўламини кенгайтириш, саноат, қишлоқ хўжалиги, туризм, хизмат кўрсатиш ва сервис соҳаларини жадал ривожлантириш, аҳоли учун муносиб турмуш шароити яратиш юзасидан тегишли вазифаларни белгилаб берган эди.

Ўтган вақт мобайнида мазкур топшириклар ижроси юзасидан муайян ишлар амалга оширилди. Вилоятда ўтган йилда жами 27,1 триллион сўмлик ялпи худудий маҳсулот ишлаб чиқарилган, аҳоли жон бошига ялпи худудий маҳсулот 8,9 миллион сўмни ташкил этди.

Вилоятда 71 миллион АҚШ доллари миқдоридаги хорижий инвестиция ўзлаштирилди. Хорижий инвесторларга яратиб берилган кенг имкониятлар самараси ўлароқ, 22 янги кўшма корхона ташкил этилиб, кўшма корхоналар сони 252 тага етди.

2019-2020 йилларда қиймати 27 триллион 150 миллиард сўм бўлган 930 та лойиҳани амалга ошириш белгилаб олинди. Мазкур лойиҳаларни амалга оширишга йўналтирилган маблагнинг 1,4 миллиард доллари ёки 44 фоизи хорижий инвестициялар ҳиссасига тўғри келади. Натижада 36 мингдан ортиқ иш ўрни яратилади.

Ўтган давр мобайнида 3 минг 131 та хусусий ва кичик бизнес субъектлари ташкил этилиб, улар сони 23 минг 978 тага етди. Кичик бизнес субъектларининг ялпи худудий маҳсулотдаги улуши 73,4 фоизни, Жумладан, саноатдаги улуши 19,8 фоизни, қишлоқ хўжалигида 98,9 фоизни, қурилишда 96,4 фоизни, чакана савдода 88,8 фоизни ташкил этди.

Саноат йўналишида қиймати 13 триллион сўм бўлган 190 та лойиҳалар амалга оширилди.

Вилоятда 2018 йилда 338 та йирик ва ўрта лойиҳалар амалга оширилиб, уларда 7 минг 778 та иш ўринлари ташкил этилди. Лойиҳаларнинг 145 таси саноатни ривожлантириш бўйича, 112 таси хизмат кўрсатиш ва сервис соҳасида, 80 таси қишлоқ хўжалиги йўналишида ишга туширилди.

Кўргонтепа туманидаги “KHANTEX GROUP” масъулияти чекланган жамияти томонидан пахта-тўқимачилик йўналишида кластер ташкил этилиб, қатор ижобий ишлар амалга оширилди. Жумладан, хориждан ҳайдов ва чопик тракторлари, экиш сеялкалари, экинлар қатор орасига ишлов берувчи ускуналар, пахта териш машиналари, умумий қиймати 21 миллион Евро бўлган қишлоқ хўжалиги техника ва механизмлари олиб келинди.

Хорижий технологиялар асосида 4 та тўқимачилик корхонаси ишга туширилди.

Кластер тизимининг йўлга қўйилиши ҳисобига 2019 йилда Кўргонтепа туманининг ўзида кунига 90 тонна пахтани қайта ишлаш, 30 тонна тола ишлаб чиқариш, толадан 26 тонна калава ип олиш, яъни

тайёр маҳсулот тайёрлаш, экспорт қилиш имконияти яратилади.

Президентимизнинг аввалги ташрифида берган топшириқлари бўйича Боғи Бобурдаги Захириддин Муҳаммад Бобур ҳайкали, рамзий қабри, “Бобур ва жаҳон маданияти музейида қурилиш, ободонлаштириш ишлари амалга оширилди, намозгоҳлар қурилиб, дам олиш маскани янгича қиёфа касб этди.

Вилоятдаги ҳарбий қисмларда бюджет маблағлари ҳисобидан 93 миллиард сўмлик қурилиш, таъмирлаш, ободонлаштириш ишлари бажарилди. Ҳарбий хизматчилар учун 900 ўринли ётоқхона, ўқув бинолари, ошхоналар, тиббий пункт, маънавият маркази барпо этилди.

Вилоятдаги 40 та мактабгача таълим муассасасида 97 миллиард сўмлик қурилиш, таъмирлаш ишлари бажарилди. 168 та хусусий мактабгача таълим муассасаси ташкил этилди.

Андижон шаҳрида “Ёшлар маркази” барпо этилди. Умумий лойиҳа қиймати 11 миллиард сўм бўлган мазкур масканда 500 ўринли фаоллар, семинар ва конференциялар заллари, кутубхона, “Ёш тадбиркорлар” коворкинг-маркази барпо этилди. Бундан ташқари, “Соғлом авлод” ўйингоҳи, вилоят тенис мажмуаси замонавий талаблар асосида қайта реконструкция қилинди.

Хонобод шаҳрида туризмни ривожлантириш бўйича қатор лойиҳалар амалга оширилмоқда, “Хонобод” сихатгоҳи, Хўжаобод туманида Ҳайвонот боғи қурилиб, фойдаланишга топширилди.

Вилоятидаги фойдаланилмай турган бинолар, шунингдек, давлат мулки обьектларидан самарали фойдаланиш мақсадида 11 та кичик сано

ат зоналари ташкил этилган. Ҳозиргача кичик саноат зоналари худудидаги бино ва ер майдонларига 167 тадбиркорлик субъектлари жойлаштирилган. Ушбу худудларда 7

7 лойиҳа ишга туширилди. Қолган 90 та лойиҳани ишга тушириш бўйича ишлар олиб борилмоқда.

Ўтган йилда аҳоли бандлигини таъминлаш Давлат дастурида 24 минг 817 та ҳамда вилоятга амалга оширилган ташриф давомида берилган топшириқлар асосида ишлаб чиқилган қўшимча дастур бўйича 42 минг 530 янги иш ўринлари яратилди. Жорий йилда 65 минг 500 та янги иш ўринларини яратиш бўйича зарур тадбирлар амалга оширилмоқда.